

И.Н. БОНДАРЕВ, КПСС-н Яшалтинск райкомин сеглăтр

Яшалтинск района кўч-кўлсчнр нидн джил малин ѳслтд икър оньган ѳгч, 20 миньгън бод малта, 300 миньгън хѳѳтă болăд, му биш диилвр бърцхăв. Тегăд 30 миньгън центнер мах, 40 миньгън центнер ўс, 2 сай гар ѳндг, 1,5 сай пуд буудя государствд орулдж ѳгв. 100 гектар газрас 13 центнер мах, 30 центнер ўс, 410 килограмм ноос, 5000 ѳндг авб. Мана района газр ѳир шахр болсар, 100 га газрт 150 толгъа мал бăăна. Эн джил 12 миньгън га газрт эрдни-шишă, малин хот гидж 7 миньгън га газрт хар гуйр болн ѳвс бас търхвдн.

Мана 50 миньгън хѳн Хар

газрт ўвлзджăнă. Мана газр шахр болсар, бидн таньгъчин организацсас: тер хѳѳдиг дорнь бăăлгътхă гидж сурджанавдн.

Гектар болгънас эн джил 12 центнер буудя, 100 центнер эрдни-шишă гаргъдж авх, хѳн болгънас 5,6 килограмм, 100 га газрин тоод 4,6 центнер ноос авх, ўкр болгънас 1800 литр ўс саах, нег такагъас 100 ѳндг авх. 100 ўкрăс— 95 тугъл, 100 хѳѳнăс 110 хургъ авх. Дакад болхла 40 миньгън центнер мах, 50 миньгън центнер ўс государствд цагаснь ѳмн орулдж ѳгх даалгъвр района кўч-кўлсчнр авб.